



Broj: **05 – 036 -374 /17**  
Sarajevo, **06.12.2017. godine**

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine («Sl. glasnik BiH» br.39/14), nakon provedenog Otvorenog postupka a na osnovu Preporuke Komisije za javnu nabavku br.03-033-1418/17 od 01.12.2017. godine, Direktor Zavoda za izgradnju Kantona Sarajevo, **d o n o s i**

### **O D L U K U**

o izboru najpovoljnijeg ponuđača

1. **Odbacuje** se ponuda za radove „Održavanje saniranih klizišta Općine Centar Sarajevo period jesen 2017.godine – proljeće 2018.godine“ ponuđača „Grakop“ d.o.o. Kiseljak u skladu sa članom 68.stav (1) i stav (4) tačka i) Zakona o javnim nabavkama BiH („Službeni glasnik BiH“ br.39/14).
2. Ugovor za radove „Održavanje saniranih klizišta Općine Centar Sarajevo period jesen 2017.godine – proljeće 2018.godine“ u vrijednosti **37.411,92 KM** sa uključenim PDV-om, **dodjeljuje se ponuđaču „HARYSCO“ d.o.o. Sarajevo** obzirom da je u Otvorenom postupku javne nabavke podnio najnižu cijenu tehnički zadovoljavajuće ponude, u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
3. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **O b r a z l o ž e n j e**

Na osnovu Odluke o pokretanju postupka javnog nadmetanja broj: 05-036-325/17 od 23.10.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju, objavio Obavještenje o nabavci broj: 285-1-3-96-3-111/17 na portalu javnih nabavki i objavio tendersku dokumentaciju za „Održavanje saniranih klizišta Općine Centar Sarajevo period jesen 2017. godine – proljeće 2018. godine“ na portalu javnih nabavki u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15).

Javna nabavka za „Održavanje saniranih klizišta Općine Centar Sarajevo period jesen 2017. godine – proljeće 2018. godine“ oglašena je u „Sl. glasniku BiH“ br. 77/17 od 27.10.2017. godine

Iz Izvještaja o preuzimanju tenderske dokumentacije preuzetog sa portala javnih nabavki, na osnovu objavljenog Obavještenja broj: 285-1-3-96-3-111/17, vidljivo je da su tendersku dokumentaciju preuzeli: „E-kapija“ d.o.o. Sarajevo, „HARYSCO“ d.o.o. Sarajevo, „HIDROM“ d.o.o. Sarajevo, „BBS Europe“ d.o.o. Istočno Sarajevo, „Samos“ d.o.o. Sarajevo i „GRAKOP“ d.o.o. Kiseljak.

Iz Izvještaja Komisije i Zapisnika o ocjeni ponuda vidljivo je da se Komisija sastala dana 20.11.2017. godine radi preuzimanja i otvaranja ponuda za „Održavanje saniranih klizišta Općine Centar period jesen 2017. godine – proljeće 2018. godine“, koje su dostavili ponuđači: „GRAKOP“ d.o.o. Kiseljak i „HARYSCO“ d.o.o. Sarajevo.





Komisija je otvorila primljene ponude i iz „Obrasca za cijenu ponude“ pročitala ponudenu cijenu ponude, dok su rokovi izvođenja radova, uslovi i način plaćanja bili zadati tenderskom dokumentacijom. Ostale dokumente na otvaranju ponuda Komisija nije pregledala.

Otvaranje ponuda izvršeno je u prisustvu predstavnika ponuđača „HARYSCO“ d.o.o. Sarajevo, koji nije imao primjedbi na postupak otvaranja ponuda.

Komisija se ponovo sastala dana 22.11.2017. godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih radova.

Komisija je konstatovala slijedeće:

- Komisija je konstatovala da je ponuđač „**GRAKOP“ d.o.o. Kiseljak** u skladu sa uslovima traženim tačkom 13.4. b) tenderske dokumentacije kojom se dokazuju obrazovne i profesionalne kvalifikacije izvođača radova i/ili njegovog rukovodnog osoblja dostavio dokumente za stalno zaposlenog uposlenika diplomiranog inženjera građevine Delendžić (Memić) Jasminu i to: diploma o stečenom visokom obrazovanju od 27.11.1998. godine izdata od strane Univerziteta Crne Gore - Građevinski fakultet u Podgorici (Savezna republika Jugoslavija, R Crna Gora), Rješenje o nostrifikaciji diplome o stečenom visokom obrazovanju od 20.11.2007. godine izdata od strane Univerziteta u Sarajevu - Građevinski fakultet u Sarajevu, Uvjerjenje o položenom stručnom ispitu od 25.07.2002. godine izdato od strane Republike Srbije - Ministarstvo urbanizma i građevine i CV. **Ponuđač je u svojoj ponudi isпустиo da dostavi rješenje o nostrifikaciji uvjerenja o položenom stručnom ispitu, a u skladu sa članom 4. Zakona o nostrifikaciji i ekvivalenciji inostranih školskih svjedočanstava („Službeni list SR BiH br.7/88)**

Takođe, ponuđač je u svojoj ponudi za dipl.ing.građevine dostavio Ugovor o poslovnoj saradnji sa gosp. Džemal Polutan, dipl.ing.građ, za kojeg je pored naprijed navedenog ugovora dostavio i CV, diplomu, te uvjerenje o položenom stručnom ispitu. Komisija je zauzela stav da se ugovor o poslovnoj saradnji za diplomiranog inženjera građevine, kojeg je u svojoj ponudi priložio ponuđač, ne može priznati kao valjan osnov za ispunjenje uslova postavljenog tačkom 13.4.b.) predmetne tenderske dokumentacije, iz razloga što je članom 109. stav (2) Zakona o prostornom uređenju Kantona Sarajevo („Službene novine KS“, broj 24/17 od 22.06.2017.godine) decidno navedeno: „*Građenjem građevina mogu se baviti pravna lica registrovana za obavljanje te djelatnosti ako u radnom odnosu na neodređeno vrijeme ima zaposlenog najmanje jednog diplomiranog inženjera arhitektonске ili građevinske struke sa najmanje pet godina radnog iskustva i položenim stručnim ispitom*“, a što ponuđač u svojoj ponudi nije dokazao.

Naime, ponudeni dipl.ing.građ Delendžić (Memić) Jasmina ne ispunjava uvjete u smislu nostrifikacije dokumenata odnosno nostrifikacije uvjerenja o položenom stručnom ispitu.

U skladu sa gore navedenim Komisija je zauzela stav da se ponuda ponuđača „GRAKOP“ d.o.o. Kiseljak **odbacuje** u skladu sa članom 68. Stav (4), tačka i) Zakona o javnim nabavkama BiH („Službeni glasnik BiH“ br. 39/14).

- Ponuđač „**HARYSCO“ d.o.o. Sarajevo** je dostavio tehnički zadovoljavajuću ponudu i ispunio sve uslove iz prava učešća propisane članom 45 do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2,3 i 4 tenderske dokumentacije i dostavio potrebne dokumente u skladu sa tačkom 14. tenderske dokumentacije, pa se ponuda navedenog ponuđača **prihvća**





Nakon izvršene računске kontrole prihvaćene ponude, utvrđeno je da je Ponuđač dostavio računski tačnu ponudu.

Komisija je u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br. 39/14), po kriteriju najniža cijena tehnički zadovoljavajuće ponude sačinila redosljed prihvaćenih ponuda po osnovu cijena sa PDV-om:

**1. „HARYSCO“ d.o.o. Sarajevo.....37.411,92 KM**

Komisija je dala Preporuku Ugovornom organu da u skladu sa članom 68.stav (1) i stav (4) tačka i.) odbaci ponuda ponuđača "Grakop" d.o.o. Kiseljak i da se u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14) dodijeli ugovor za „**Održavanje saniranih klizišta Općine Centar period jesen 2017. godine – proljeće 2018. godine**“ ponuđaču „**HARYSCO“ d.o.o. Sarajevo**, pod rednim brojem 1, obzirom da je u Otvorenom postupku ponudio najnižu cijenu tehnički zadovoljavajuće ponude.

#### **POUKA O PRAVNOM LIJEKU:**

Protiv ove Odluke svaki od ponuđača može izjaviti žalbu Uredu za razmatranje žalbi **putem Ugovornog organa**. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka.


**Naknada za pokretanje žalbenog postupka iznosi 500,00 KM** a uplata iste se vrši u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog:

- Zapisnik o ocjeni ponuda

#### **DOSTAVITI**

1. "Harysco" d.o.o. Sarajevo
2. "Grakop" d.o.o. Kiseljak



DIREKTOR:

Ljiljana Peledija, dipl.ing.građ.